

詠菴詩存

客燕偶存

古今體八十

庚寅秋雁題誌
全部六卷卷之六



序

蓋聞錦囊投去韻傳一片
銅鉢催來艷奪九霄霞綺
惟是月露風雲之什每致
諸於雞林務得和平溫厚
之宗庶爭傳於虎觀秀峰
主人今時彦士家在



齊雲巖畔坤牟鍾英身依明牒
湖邊人誇挺秀瀚維詩學直探
星宿源頭揣厥文心應列蓬萊
頂上擴心胸於三千界外指點
金焦寄情懷於廿四橋頭徑來
燈月淮陰三傑偏貽騷客之訊

江廟千秋特潔勞人之薦過高
賢之封植瞻仰維殷謁 亞聖
之宮墻景行彌切寄懷多逸韻
豈徒紅豆相將作客擅風流不
放清尊缺佐愁緣觸緒從來兒
女情長感不同時孰謂英雄氣

短守珍抱璞黃金臺七字真河
握槩懷鉛青玉棗半生成癖托
知心於蘆海明月聊以解嘲散
俗塵於邗上清風差堪自得才
以斂而彌雋句以琢而益工洵
乎兩浙東西名齋度鮑允矣大

江南北望重淵雲僕也未許言
詩把卷辭真莫贊敢云同好啓
函美不勝收仲時載酒重來者
窺全豹此日添香率讀深愧續
貂肥上愚弟褚啓宗拜題



題詞

元和顧宗泰 星橋

清才得助有江山攬轡齊
滕燕趙間楊柳春風傳麗句
旗亭到處按雙鬟

踏歌瀟灑數汪倫
卅載詩人又酒人
記取陶然亭畔路
與君同醉落花春

庚寅春余客都數與

詠菴相叙

青駝風雪白溝冰
北去征程憶昔曾
此夕

一經才子筆宛將圖畫寄吳綾

煙中遠樹翠中嵐話舊從教剪燭談難得

歸來有同好梅花春雨愛江南時王條山歸粵東方

西園寓玉山認菴借來吳門以游稿見咏屬題并訂探梅鄧尉

華亭吳鈞陶齋

襍被古幽燕終朝擘彩箋紅塵屠狗市綠

草放鷹天落落才人想惺惺小婦憐閒情

將賦筆辛苦夕陽邊

鎮陽季夢荃雪堂

清才雅望跨時賢跋馬征途儼若仙縱酒

高歌無別事風流獨許杜樊川

江山點綴仗雄才覽古千秋眼界開十幅

蠻牋佳句徧錦鞍新向日邊來

憶昔揮鞭踏軟塵浪遊京雒幾經春騎驢

詩卷空留篋輸與崎嶇磊落人

歙縣方之綱西園

故人剗剗新詩句踪跡三年信轉蓬漢體

無須依北地越歌遮莫播南風詠莽詩吟宗浙派

情珠閣松聲外旅思金臺草露中集有報國寺松

黃金臺陳夏壬申高會在欲將彩藻振江

東

青蒲徐薊坡石農

一卷新詞白雪高雲間壇坫振風騷京華

名士多於鯽如許清吟亦足豪

穿林風送鐸郎當驢券匆匆趣曉裝一種

羈愁消不得茸城月色薊門霜

半生我亦作勞薪雨驛煙程幾度春三復

新詩倍棖觸征衫抖擻帝京塵

倦遊兩載楫生衣屈指鄉園舊雨稀至竟

不忘西笑樂肯教戀戀故山薇余明春將北行

昨逢幕下題詩客近於華署晤范瘦生曾擬尋君共

掉舟無那清談便分袂夕陽不肯為人留

棗梨久已見流傳新喜雙魚附一編君詩
府望亭先生札中來覲面未經翹首切何時爲放剡
溪船

山陽 阮學濬 蘊邨

鶴拂煙霄老慣飛

用香山句

乍逢天際一舟歸

雲霞氣合居黃海京雒塵難化素衣市上
碎琴曾客詫山中抱璞洵知希五陵多少
豪家子競炫裘輕更馬肥

盥手開緘屏俗喧一編詩恰媿瑤璠江雲
朔雪三千里抹月批風五七言燕趙由來
多感慨荃蘭最是憶嬋媛旗亭應有雙鬢
唱到處驚傳醉墨翻

休寧 吳賢 魯齋

春日登虎阜林花燦如綺高閣構懸巖山
光映文几揭來一卷詩風懷多可喜幽薊
帝王都迢迢三千里推篷凌晨霜膏車及

昏晷月吐四更餘花發重山裏駕言齊魯
墟古迹猶爭峙憑睇一唏歔清音激流徵
遠懷布衣交密邇青冥士深情雅欲流落
筆雲煙起壯遊感予心三嘆不能已東華
軟紅香馳驅從此始時予將有入都之役
寶山范起鳳瘦生
絕代才人絕妙詞旗亭爭唱卷中詩一鞭
京雒重懷古錯認尋春杜牧之

看君掉鞅上吟壇吟到江南烟雨殘回首

岫雲嵐翠裏

集中岫雲寺詩有嵐翠鬱葱蒨句

重番扶夢

上長安

絲管紛紛花氣薰樽前小部敵紅裙

指客冬雲

間春來偶放探梅權名士如蠅盡附君

長洲程 琰東冶

京師幽薊地名都燦雲綺懷古多詞人吟
牋盈斐几伯玉最擅場唐音正可喜厥後

范致能和歌非下里滏水趙與遺山元流

詠忘晴暑吾友繼昔賢探奇山水裏作爲
燕趙吟才華驚特峙標題富琳琅讀之恊
宮徵嗟予日閉門誦詩如麟士感君事壯
遊樽前投筆起乃知佳麗句移情正無已
新詩今古傳千載推正始

昭文

黃叔燦 牧村

君才磊落負不羈素抱未遂青雲期遍訪

名山探靈境抑塞盡吐胸中奇奚囊蠟屐
佐吟興不讓謝眺驚人詩去年束裝策征
騎出門西笑遊京師北過黃河歷泰岱山
川登眺窮遐思不須黃金結燕客瓊瑤贈
答惟歌詞歸來篋中富吟稿開編楮墨猶
淋漓雅音示我愜微尚風格未肯趨時宜
恍聆成連海上操令人神往情俱移

寶山

程師濂 蓮亭

匹馬曾從京雒過，緇塵空染素衣多。七年繞我金臺夢，予以內外艱兩不赴公車四海傳君燕市歌。郢客自來稱白雪，旗亭底用唱黃河。他時重醉蘆溝月，一笑相逢更若何。

吳縣卞樹毓培基

壯遊赴京畿，遠道記諸詠。揚州值上元，歌吹竹西聽。釣臺溯韓侯，珠湖覽名勝。有墓必憑弔，有祠必起敬。或訪岫雲僧，或傍雙

松徑，觸景懷良朋。瑤華時寄贈，手摹石鼓文。因慕人才盛，相逢黃金臺。意氣何雄雋，名利總不關。蘆溝月如鏡，集中有料得知予惟曉月不關名利也相尋之句藹然留清詩，抽毫寫餘興。

長洲凌魁炳少穎

古稱感慨地，應有義風存。一卷編新句，千秋弔昔魂。黃金臺畔路，上谷郡前門。絡繹輪蹄客，高懷試與論。

華亭
胡鼎衡 湘南

詩名卅載滿東南越水吳山次第探開卷

新詩來燕趙好將玳瑁細裝函

征輶北指到燕山曾向邗溝幾往還試聽

紅橋風雨夜催花低唱有雙鬟

玉淵藍水古名區唱徧旗亭舞六銖一曲

陽春曾屬和應慚魚目混牟珠

風流文采動江鄉麗句題成墨自香擘得

濤箋鈔百本烏絲字做十三行

客燕偶存

古歙秀峯汪啓淑著

茸城晚發

開歲麗風日眷言趨上京晚發谷水陽乘
月遂宵征紆迴川塗曲歛乃烟檣鳴連村
見燈火隔舫傳歌聲雪融渚梅坼冰泮隄
柳萌蓬窗有樽酒亦足陶吾情

柳枝詞

靈和遺植擅風流掛月拖烟旁畫樓春晚
無能縈絮雪却舒青眼替人愁
早起西飛有夜烏香輪寶馬縱清娛空垂
百尺黃金縷縮得天涯蕩子無

次無錫

凌晨出滸關亭午及無錫騁眸西神山蒼
靄濃欲滴未遑探名泉空憶舊遊歷情移
翠嶂街烟芳定堪摘閒眺倚篷窗一鳥破

幽寂卽境良可娛悅耳謝箏笛大地盡蘧
廬永言任所適

渡江

鐵甕城西曉放船汀蘋岸柳思依然託身
媿我無良策辜負梅花又一年
東風送客亦多情况見金焦兩點明可惜
塵牽無暇住景純應笑冷鷗盟

錦春園

延陵有菟裘綿邈覆瓜步
竭來值韶春梅雪點沙路
當門蔭壽藤勢若舞蛟怒
清池肯受塵穉柳具閒趣
巖幽蘚翠濃榭敞花叢護
恰恰鶯弄簧漠漠烟橫素
篁籬含輕風蘭薄湛香露
跂石興頗超登樓愧難賦
既愜滄浪情况抱烟霞
痼舊雨此棲遲邂逅憶良
遇彈指十餘年流光信如
鶩昔年晤周撫景奏長謠
深衷藉茲布運判雪舫於此

揚州上元

歲華忽漫及元宵借柳隋堤纜
小舫遣興隨車閒我步秧歌竹馬正軒囂
綺陌芳塵翯若雲驚時遊子歎離羣
雖然未得瓊花見明月今宵恰二分
六街簫鼓衍魚龍金勒香車處處逢
歎我風懷渾減盡也隨游冶策青筇
火樹銀花間蚤梅逢人皆道看燈來
華山

圖有誰吟賞笑就吳姬索酒杯
幽坊靜陌列紅妝更愛細縷滿路香莫謂
繁華沿舊習熙熙民物兆時康
斗轉參橫興未闌董公祠下更盤桓誰憐
孤負傳柑手小詠燈詞強自寬

獨酌有懷

集陶

故老贈余酒淹留忘宵晨形骸久已化銜
觴念幽人迥澤散游目言笑難爲因清謔

結心曲思與爾爲憐

韓侯釣臺

韓信遺臺枕水濱我來憑眺野花春細思
孤負稱三傑生死如何屬婦人

春日偕沔陽牧程瑞軒上舍程石園
遊龍興寺

淮陰本澤國城闕富煙水眷言訪龍興同
遊得程子笑買缺瓜船蕩漾春雲裏於時

客齋偶存 四
宿雨銷風日鎮和美柳眼半含嬌杏臉淡
可喜恰恰鶯弄簧霏霏花錯綺弭權陟精
廬蒲牢淨塵耳捫碑攷厥初俯仰懷泰始
善哉宏農公起廢殊堪紀古佛煥重裝貞
珉欣再峙怖鴿喧生臺法雲結華蕊梵聲
鬱隆隆香篆浮靡靡徘徊戀靜居金烏駭
西駛歸檝剪珠湖渺渺萍翻紫遙天盼明
霞沿岸牽香芷叩舷發新吟汀鷗忽驚徙

淮南逢方岐泉上舍

山陽忽喜接良朋話舊翻令感慨增少日
韓侯原善忍老來燭武更無能閒情空逐
春雲遠客抱還同楚水澄便欲偕君垂釣
去時無漂母興難乘

題友人小照

澹蕩煙光暖碧陰古槎閒坐息機心不教
輕解龍唇縛流水高山要賞音

花光髻影闔檀園倦讀凝神得妙觀飛瓦
恥彈清角調師承應愛董庭蘭

珠湖小泛

肅舫過珠湖春陰殊晚暖隄柳燦於金湖
光綠如黛候鳥時弄聲輕雲盡含態瀏瀏
渚風清離離花影碎徧歷諸名園亭午興
未艾煙霞屬吾儕閒謔性情在

題洪涓野行看子

呼茶應欲沁詩脾謾謾聲來更解頤晝暝
毯毳調鶴罷庭花芳韻上吟省
悟得無還任自然松根閒看舞胎仙琴中
倘許爲同調莫笑狂奴又拍肩

寓齋曉起

幽齋傍夾城景物最澄明竹徑晨風細蘭
叢夜露清飄零同季子著述媿虞卿悶倚
欄干久初陽樹杪生

江上寄蔣謝庭中翰

山杏紅已繁江柳綠逾好我行值韶春觸
目傷羈抱寂寥倚篷窗晴日光杲杲水容
深似藍沙路淨於掃隱汀海客鷗繡岸謝
公草爲念同懷人旅思怒如擣末由聯畫
橈相於杼麗藻因風寄短謠膠漆願相保

題畫

溪口濃垂春柳山腰淡抹歸雲琴餘遣興

閒步看盡橋西夕曛

春洲曲

綿蠻黃鳥喧芳洲柳烟梅雪含春愁釀雨
東風逗輕暖磯隈對泳多銀鷗蘭橈容與
金閨客逸思如雲暮天碧溶溶新漲濕汀
莎遠翠柔紅信堪惜

寶公禪寺

小泊甘棠鎮幽尋詣上方門臨三楚岸臆

客燕偶存
列五湖檣古柏垂濃黛疎梅倚淡妝鐘聲
搖落日樓勢敞晴江閣閣鯨嘶冷隆隆梵
唄揚眼明功德水心醉衆名香怖鴿棲飛
棋降龍隱繡梁金容爐借助螺髻柳分張
後果知難悟前書恨已忘出塵思寶筏度
世仰慈航得得嗟來晚三三惜未詳候禪
循丈室瞻像步修廊媿我同孤鶻憐僧似
啞羊法雲思結蕊忍草正含芳聽鼓音猶

駭捫碑字半荒幽居輸自在暫到亦清涼
珠煥千秋彩燈傳無盡藏林鴉催客返風
竹笑人忙森森春波濶悠悠京路長
時將赴都
平生寥落意狂擬問空王

江岸遣興

散步江隄爲惜春稠花密蕊正撩人東風
送暖朝暉麗擁鼻閒吟發興新
幾株桃杏媚朝暎竹淨沙明近水村着色

倪迂差可擬乞漿容我叩柴門

露筋廟

遠悔適遐方敢云跋涉苦情欣水窗閒興
發江廟古陰陰隄柳垂漠漠湖雲吐盥手
薦蘋蘩再拜致心縷千秋重守身一敗誰
爲補憑昂夕陽斜沙禽逐柔艣

高郵州

百雉名州枕水濬綠隄楊柳綠差差雄蜂

雌蝶皆無賴早杏殘梅各有姿日落關河

鳴鼓角風迴城郭動旌旗故人不暇衝泥

訪

爲州牧龍燦
珉時方雨後

小倚篷窗且賦詩

臺兒莊始發

午發臺兒莊東風送徂兩依依官柳低漠
漠墟烟廣候鳥弄鈎輶晴雲浮泱泱原野
旣廓如襟懷便疎朗嗟哉同調人謂鄭麗
農諸君
迢遞阻清賞沉吟向夕陽征鐸送清響

偶成

漠漠黃塵糝客襟可人難得是春陰惟餘
夾路蕭蕭柳裊盡纖腰伴苦吟
綿梨潔可比瓊瑤能使文園渴暫消悶作
車中新婦狀鞭絲帽影太無聊

陰平

歇馬抵陰平朱霞麗晚晴山櫻迎客笑路
柳向人傾鬪草宜隨蝶攜柑擬聽鶯自慚

蓬累久役役負平生

春雉篇

時哉時哉美春雉結偶毡毳麥田裏朱冠
向日紅欲燃錦翼迎風艷於綺閒舒繡頸
伊喔鳴不願排空騰萬里 聖朝庶類感
仁心一任超遙飛復止笑彼如臯賈大夫
射生但博歡妻子

嶧縣

客燕集存
卯醉醒餘正午晴一鞭初指嶧山程塵昏
古戍粉榆色風咽疲車鈴鐸聲獨客却忘
長路苦相逢賴助壯遊情時與計偕諸君子行北來
差喜吟懷好多恐清狂笑酈生

柳下惠墓

驅車古鄒邑俄見馬鬣封詢諸土人云柳
惠所藏躬下車敬展謁匪特欽高風三黜
亦不恥處和道彌冲僂指古賢達油油誰

與同嗟余乏絮酒生芻表素衷詠言一翹
首雲路聞孤鴻

滕文公廟

滕國居民懷舊德千秋遺廟峙河濱井田
見說宗周室鼎祿還聞及世臣過宋親賢
真有道立身求治惜無隣那禁展拜興嗟
歎列國何人繼後塵

苦寒行

元冰慘欲裂浩雪大逾掌馬毛縮若蝟路
阻悵難往飛鳥寂無聲征飈吼寒響

卽事

官柳千條拂地輕薄雲籠日雨初晴膏騰
不禁春風軟時飈車衣和鐸聲

謁亞聖廟

停車古鄒陰言謁亞聖廟肅恭陟軒庭再
拜下甬道撫樹感餘徽尋碑展遺貌德大

無不容功深等再造嗟予小子愚宮牆幸
親到徘徊志景行落日紅四曜

次兗州寄杭丈堇浦

投宿人言近兗州坐傷契濶動離憂一燈
熒翳人初靜四壁蕭條景似秋涉世已悲
同土偶載醪還憶泛金牛無眠聽徹荒鷄
唱王粲休重說壯遊

山行

磳确循山徑巾車登陟艱長林聊小憇暫
使蹇驢閒

行次東阿舊城

二月東阿道風和乍暖天霑衣梨點雪夾
路柳欹烟偶爾念曹植因之傷郭淵自慙
頭半白行役度流年

午睡

遲遲暖日漸舒長路柳搖烟花遞香憑軾

倦教成午睡東風吹夢過高唐

難得天公放午晴軟紅敢怨襲裙纓矇矓
疑在吳江曲鴉軋輪聲似橈聲

客邸放歌

東阿旅舍軒窗幽飛塵少息身暫休偶來
翠袖足侑酒飛觥笑謔徵清謳繞梁餘韻
柔於縷斂笑低眉更嬌嫵天涯邂逅屆花
朝竿木逢場謝拘腐况我愁多壯氣銷悶

懷全藉桑落澆萬緣久已委前定痛飲聊
復陶今宵

楚霸王墓

蹶漢顛秦畢世勞空留坏土傍亭臯包羞
若王江東地半壁山河亦足豪

桐城驛

曉次桐城驛停車爲治餐露桃含宿潤風
柳困朝寒晻曖墟烟密郎當鐸語酸嗟予

江海客何事走長安

新店

蓐食戒晨裝殘月波潏灑曉風颺簾幃芳
露潤琴劍亭臯綠柳柔墟囿緋桃艷覽物
感離羣懷人軫遐念行行詢僕夫前程指

新店

寄王大條山

露宿風餐已浹旬停雲矯首黯吟神題詩

爲報籠鵝客莫負江南二月春

東平州

州北聯岡走碧虬小車健捷趁溪流心閒
便覺山川好齒長徒嗟歲月道笑日杏花
矜嫵媚倚風柳帶逞輕柔人生最樂惟爲
善事業茫茫媿浪遊

曲宴謠

蘭燈燦垂珠姹唱揚幽韻雕欄轉西蟾粉

頰生紅暈

劉蕢祠

老樹荒祠傍郭門當年下第惜劉蕢從來
峭直遭時忌憑弔那禁一斷魂

雄縣

日落羈心苦停鞭古易京瓦橋春漲濶荆
嶺暮雲平草草勞人唱淒淒故里情寒燈
挑不焰呼酒帶愁傾

客燕偶存
十五
贈史鍊師

斗室清琴絕俗機
任教門外輭紅飛
道元不藉時開卦
學博奚煩更下幃
塵尾蒲團情好在
黃旗紅紙興全違
閒看鶴舞松陰坐
時有飄英拂羽衣

客中寒食

門柳弄絲輕
圍桃笑晚晴
客中逢冷節
那得好心情

陶然亭

旅思如雲撥不開
陶然亭上一徘徊
青憐柳帶能舒眼
紅愛桃花始破胎
四野晴光空外好
九衢春色望中來
持頤難盡登臨興
萬疊西山翠作堆

樓上

花柳正含新
憑高獨愴神
春風雖似酒
不解醉離人

暮春獨酌

獨客傷春暮閒窗引濁醪地偏人過少階
迴蝶飛高翠蔓牽新帶喬松吼晚濤壯懷
雖尚在霜漸染顛毛

寺居懷沈雲椒太史

靜夜佛鐘遙羈人耿無寐芳月印閒墀庭
樹發蒼翠舊雨隔清華難招共吟醉相思
寄長謠兀坐憂端熾

遣興

身世年來媿斷蓬靜依蕭寺度春風對人
怕草稱衡賦顧影慙辜馬亮弓客夢屢隨
南去馬鄉書不逐北歸鴻多情深感喬公
子爲鷗村時惠詩篇共酒筒

凌孝廉應蘭家秋部員外棣招尋石
鼓歌

長安春暮羈懷苦良友招邀尋石鼓膏車

其詣國學門熟視摩挲歎竒古憶予昔讀
杜老詩愛慕不覺心魂馳誰料前元右文
意蘊包遠載藏於斯從來讀書須識字篆
刻此最稱醇粹只慚生晚才復踈難曉竒
文通密義緬惟周宣狩岐陽六師虎旅殊
飛揚隨圍史籀濡大筆頌功鐫德辭輝煌
書成體勢變蒼頡鳳翥龍驤美無匹荒沉
沙礫幾千年惟有昌黎思鳴悒 聖朝崇

儒文運開深檐覆鼓高築臺諸生昕夕得
講解於茲造就多英才我衰久慚心力墮
末由坐此攻清課願拓萬本遺萬人窮崖
幽谷都傳播

戒壇寺

聯襪過戒壇風日鎮清美當門有喬柯濃
翠麗於綺徐步陟精廬稽首禮大士沉沉
磬韻幽裊裊爐煙紫林深淡世緣境寂離

塵滓長吟撫古松小憇隱閒几尋樂應及時浮生信彈指

晚坐

寂歷雲堂晚更幽西山爽氣坐來收春風笑爾無聊賴鑄得榆錢只買愁

報國寺雙松歌

報國寺前雙古松崔嵬枝幹如髯龍碧色濃於春晚靄濤聲壯似霜晨鐘蒼鱗恹裂

疑寒鐵偃蓋亭亭翠雲結不向秦王乞美官却從灰洞蒙霄雪翻經時見憇胡僧沈寥天爽風稜稜盤踞徒然得佳壤棟梁知道幾時徵

岫雲寺

籃輿度危嶂得得尋岫雲入門涼碧澗滌盡諸聲聞稽首理兩足爐香正氤氳倚竹騁遐覽生臺上斜曛嵐翠鬱葱蒨巖花散

客燕偶存
九
續紛幽禽弄嬌語老樹含清芬汲泉煮佳茗兀坐忘宵分始悟靜中樂深悵嬰世氛辭家慕向長戢罪懷休文促襟舒永嘯客抱殊欣欣

吳二匏中翰出示新詩賦贈

膏車北郭訪詞人紅藥翻階正餞春氣度佩君真儼雅篇章示我更清新夢窗未許誇前輩純叔惟堪作後塵便擬僦居比舍

住載醪長得扣韶鈞

初夏

客緒正依依新篁綠滿扉嬾蜂成晚釀雛燕試初飛跡每招人擬心偏與願違有家歸未得非是不思歸

黃金臺歌

燕王好士金築臺魏趙豪傑紛紜來鄒忌陰謀固神妙郭隗知本真竒才二十八年

意靡假師禮久執情愈下一朝樂毅拜將
軍兵威遠震臨淄野報讐雪恥終有時芳
名迄今青史垂英雄失志惟暫耳底用戚
戚徒傷悲

漫賦

檢較時風合掩關浪遊笑我太踈頑索居
不解迎殘客獨往惟耽覓好山野鳥窺窗
情頗洽檐花糝硯趣多閒心安是處皆仙

境大藥何須覓九還

述感

吾少卽孤露半生苦遭回賦性復剛直到
處遭忌猜二豎兼憂患身志俱摧頽辜負
聖明時徒慚樗櫟材蹉跎逾不惑行恐沒
蒿萊悲歌強自遣懷抱何時開

蕙性與蘭心可人思絡秀彩雲偶駐空一
散難再就空炷影前香夢魂期邂逅安得

鴻都君爲釋相思
疾臨風獨長吁
頓覺吟腰瘦

耽學憶豕兒
頗體期望意
頭角儼崢嶸
場屋屢顛躓
天復奪其年
使我更顛頓
空餘舊淚痕
時起逃人思
再來殊渺茫
念輒心如刺

烟霞成痼疾
尤愛明聖湖
無如爍金口
住久遭擲掄
幾回愜遊賞
終未暢清娛
溪山

時在目霜雪
俄染鬚回首
六橋月蝶夢
空蘧蘧

漫興

愁醺酒困思
慙慙坐任馳
暉上畫簾絮
果萍因誠可
笑齋鐘粥鼓
敢生嫌悔來
王式心多感
善病休文筆
嬾拈叉手窗
前閒肆目團
雲嬌綠滿雕
簷

有乞書者戲占

硯池新浴墨生香有客求書寄麥光
縈蚓縮蛇非我好八分聊學蔡中郎

晚坐

微雨簾櫳潤閒熏篤耨香與隨花漸減愁
與日俱長舊友多成土吟髭半染霜空餘
栖遯志役役暗心傷

題張萱號國夫人夜遊圖

槐街月印夜亭午號國歡遊逞恩詔如龍

駿馬驕欲嘶踏踏花陰趁腰鼓朱顏暈酒
生艷光風迴夾路飄奇香熏天燈燭絃管
鬧不覺清露霑衣裳曼睩穠姿信無疋搖
鞭笑語情妖逸紫禁森沉人莫窺多情賴
有清河筆

卽事

坐看縈窗寶篆輕安榴如火透簾明閒來
弄筆陶幽興淡日輝輝弄詐晴

客次遣興

晏起晴蜂已報衙
陰陰新綠罩窗紗
愁心亂逐乘風絮
客思渾同著地花
半世辛勞慙鴈足
三生因果付牛車
白衣蒼狗年來悟
但得身安卽是家

蘆溝橋

時清敢抱請纓心
客髩霜毛况見侵
料得知予惟曉月
不關名利也相尋

重經揚州

旁午炎風透練裳
郵程重指古維揚
來時興逐春光去
歸路愁隨夏日長
螢苑烟荒猶腐草
隋堤月皎只垂楊
明朝絮酒梅花嶺
擬向忠魂奠一觴

次奔牛堰

曉過奔牛堰鳴蛙
雜榜聲風涼蘓病
骨家近破愁城苦
萍沾唇爽安榴刺
眼明艤舟

客燕傳存
亭上去好試葛衣輕

木瓜和友人韻

每恨龍涎炷易銷瓊瑤爲報寄情遙供瓷
盤裏常經歲漬粉奩中最助嬌斗帳絡來
蘓脚氣砂瓶醞就養心苗麗姿婀娜真堪
賦袖獻無緣歎寂寥

平望

鶯脰湖邊泊野航荷風竹籟動微涼不妨

買醉行吟去一任遙林掛夕陽

客燕偶存終

春光九十懷折柳於風
前江水三千指征帆於
日下交稱燕趙豪俊原
多路涉齊滕關河幾歷
志京畿之眺覽酬編紵之

往來無窮懷古之情宜有
登高之作僕也東粵言旋南
皮常聚歌闌茲市恍值
金臺石鼓之旁調習壘
慚無白雪陽春之繼對梅

花而盥禱生我紅羅暎明
月以酣吟醺人碧醴勝擷
珊瑚於炎海允諧韶護於
雪岑搗向旗亭銀拍重
響鬢之價登諸樂府端門傾

六轡之才乾隆壬辰嘉平望
後九日條山愚弟王鼎拜手



